

Broj: 101-6954/18 DŽS *ms*
Zenica, 11.05.2018. godine

Na osnovu člana 64. stav 1., tačka a, člana 70. stav 1., 3., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-6952-1/18DŽS od 11.05.2018. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu ugovora za javnu nabavku broj: 716-6953/18 DŽS od 11.05.2018. godine u postupku dodjele ugovora za nabavku usluga pregleda i revizije finansijskih izvještaja za 2017. godinu, i prihvata se preporuka Komisije za nabavke, da se ugovor zaključi sa ponuđačem:

Merfi d.o.o. Sarajevo,

kao najbolje ocjenjenom ponuđaču

prema ponudi protokoliranoj pod brojem: 716-4391/18 od 22.03.2018. godine, za ponuđenu cijenu od 8.000,00 KM bez uračunatog PDV-a i rokom izvršenja usluge od 5(pet) dana.

II

Prijedlog ugovora dostavit će se na potpis izabranom ponuđaču Merfi d.o.o. Sarajevo, u skladu sa članom 98. Zakona o javnim nabavkama BiH.

III

Za izvršenje ove Odluke zadužuje se Komisija za nabavke, te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-3230/18HK od 26.02.2018 godine.

Javna nabavka je provedena putem konkurentskog zahtjeva za dostavu ponuda, bez zaključivanja okvirnog sporazuma.

Procijenjena vrijednost javne nabavke bez uračunatog PDV-a je 8.000,00 KM. Kriterij za dodjelu ugovora je ekonomski najpovoljnija ponuda.

Dana 26.02.2018. godine na Portalu javnih nabavki, istovremeno sa objavljivanjem obavještenja o nabavci broj: 439-7-2-96-3-5/18 objavljena je i tenderska dokumentacija. Poziv za preuzimanje tenderske dokumentacije broj: 713-3230-3/18HK od 26.02.2018. godine upućen je sljedećim ponuđačima:

1. BDO BH d.o.o. Sarajevo

2. ABACUS PLUS d.o.o. Zenica
3. REVICUS d.o.o. Zenica
4. REVIDENT d.o.o. Zenica
5. INTERCONS d.o.o. Zenica
6. Etic d.o.o. Zenica
7. EXPERT d.o.o. Zenica
8. CHRONOS d.o.o. Zenica

Dana 09.03.2018. godine putem e-maila je pristigla žalba Društva za reviziju BDO BH d.o.o., zaprimljena pod brojem 716-3860/18 od 12.03.2018. godine, izjavljena na tendersku dokumentaciju za nabavku usluga pregleda i revizije finansijskih izvještaja po Konkurentskom zahtjevu za dostavu ponuda broj: 713-3230-1/18 HK i Obavještenju o nabavci broj: 439-7-2-96-3-5/18 objavljeno na Portalu javnih nabavki dana 26.02.2018. godine.

Dana 12.03.2018. godine pod brojem: 101-3814/18 MS direktor JP „ViK“ d.o.o. Zenica je donio Odluku o obustavljanju postupka za nabavku usluga pregleda i revizije finansijskih izvještaja za 2017. godinu kojom se postupak obustavlja do donošenja rješenja o žalbi.

Dopisom broj 101-3814-1/Ekr od 12.03.2018. godine svim ponuđačima-učesnicima u postupku dostavljena je predmetna Odluka. U obrazloženju Odluke ponuđači koji su dostavili ponude su pozvani da, ukoliko to smatraju potrebnim, pismeno zatraže povrat svoje neotvorene ponude.

Dana 13.03.2018. godine pod brojem: 101-3814-1/18 MS direktor JP „ViK“ d.o.o. Zenica donio je Rješenje o usvajanju žalbe ponuđača Društvo za reviziju BDO BH d.o.o. Dopisom broj: 716-3814/18 dana 14.03.2018. godine svim ponuđačima-učesnicima u postupku dostavljeno je predmetno rješenje. U obrazloženju Rješenja ugovorni organ je obavijestio da će u skladu sa usvojenim razlozima žalbe i članom 53. Zakona o javnim nabavkama napraviti izmjene u tenderskoj dokumentaciji i ispravku obavještenja kojim će produžiti rok za prijem ponuda.

Dana 26.03.2018. godine pod brojem 716-4504/18 zaprimljen je zahtjev za povrat neotvorene ponude ABACUS PLUS d.o.o. Zenica predate dana 12.03.2018. godine u 09:55 sati. Zahtjevu je udovoljeno dana 26.03.2018. godine o čemu se u dokumentaciji postupka čuva odgovarajuća potvrda.

Dana 20.03.2018. godine na Portalu javnih nabavki, istovremeno sa objavljivanjem obavještenja o nabavci broj: 439-7-2-96-3-5/18 objavljena je nova tenderska dokumentacija.

Dana 20.03.2018. godine na Portalu javnih nabavki je objavljena ispravka za obavještenje o nabavci broj: 439-7-2-96-8-10/18.

Na osnovu Izvještaja o preuzimanju tenderske dokumentacije i Ispravke za obavještenje o nabavci od strane ponuđača od 29.03.2018. godine u 13:09 sati, utvrđeno je da su sljedeći ponuđači preuzeli tendersku dokumentaciju:

1. Merfi d.o.o. Sarajevo
2. Ekapija d.o.o.
3. Etic d.o.o. Zenica
4. BDO BH d.o.o. Sarajevo
5. ABACUS PLUS d.o.o. Zenica
6. Grant Thornton d.o.o. Banja Luka
7. Revizija Revita d.o.o. Cazin
8. BBS Europe
9. MAQ d.o.o. Zenica

3. Rok za dostavljanje ponuda je bio 29.03.2018. godine do 13:00 sati.

U prethodno navedenom roku, na protokolu Javnog preduzeća „Vodovod i kanalizacija“ d.o.o. Zenica zaprimljene su četiri (4) ponude u zatvorenoj koverti, i to:

1. MERFI Društvo za finansijsku reviziju d.o.o. Sarajevo

2. Revizija Revita Cazin
3. Grant Thornton d.o.o. Banja Luka
4. Etic d.o.o. Zenica

Dana 29.03.2018. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji.

Komisija je izvršila i provjeru računske ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj:716-6953/18 DŽS od 11.05.2018. godine i provjerom sadržaja i validnosti dokumentacije, utvrdila sljedeće:

U postupku evaluacije ponuda dana 30.03.2018. godine izvršen je uvid u Registar društava za reviziju Revizorske komore FBiH (<https://www.rkfbih.ba/>) za društvo Etic d.o.o. Zenica radi provjere radnog statusa revizora Amele Perende. Ispis izvoda iz registra iz kojeg je vidljivo da je Amela Perenda zaposlenik i ovlašteni revizor Etic d.o.o. Zenica sastavni je dio dokumentacije ovog postupka nabavke.

Dana 30.03.2018. godine dopisom broj: 101-4804/18 MS ponuđaču Revizija Revita d.o.o. Cazin upućen je Zahtjev za pojašnjenje ponude broj:09-PR/18 od 28.03.2018. godine, u skladu sa članom 68. ZJN BiH i Uputstvom za pripremu modela tenderske dokumentacije i ponuda. Naime, tenderskom dokumentacijom za nabavku usluga pregleda i revizije finansijskih izvještaja broj: 713-3230-3/18 HK od 13.03.2018. godine u tački 4.1.f) predviđeno je da ponuda treba da sadrži važeću licencu izdatu od strane Federalnog ministarstva finansija kao dokaz o statusu revizora koji će biti angažovan na predmetnim poslovima. Prilikom pregleda ponude ponuđača Revizija Revita d.o.o.Cazin utvrđeno je da ista sadrži licencu izdatu na ime Aganspahić Džemal, koje lice nije evidentirano kao ovlašteni revizor društva u radnom odnosu nego kao saradnik, te imajući u vidu Prilog IV- Izjavu ponuđača zatraženo je od ponuđača da se izjasni da li će Aganspahić Džemal biti angažovan putem podugovaranja u predmetnom postupku.

Dana 02.04.2018. godine ponuđač Revizija Revita d.o.o. Cazin je dostavio Ugovor o angažmanu ovlaštenog revizora(broj:03-UA/12) između Revizija Revita d.o.o. Cazin koje zastupa direktorica Dženita Bećiragić i Aganspahić Džemala kao i dopis: Pojašnjenje ponude broj:09-PR/18 od 28.03.2018. godine, zaprimljene pod brojem: 716-4915/18 od 02.04.2018. godine. U navedenom dopisu ponuđač Revizija Revita d.o.o. Cazin izjavljuje da je ovlašteni revizor Aganspahić Džemal angažiran od strane društva i isti je dio tima, te da istog ne angažuje putem podugovaranja iz razloga što je isti kod nadležnog ministarstva prijavljen kao saradnik Društva u skladu sa zakonom. Navedeni dopis i ugovor sastavni su dio dokumentacije ovog javnog postupka.

Dana 02.04.2018. godine dopisom broj: 101-4956/18 MS od Agencije za javne nabavke BiH zatraženo je mišljenje da li se u konkretnom radi o podugovaranju s obzirom na naprijed navedeno. Dana 10.04.2018. godine Agenciji je upućena urgencija za izdavanje gore navedenog mišljenja obzirom na zastoje u procesu evaluacije ponuda. Dana 12.04.2018. godine pod brojem: 716-5533/18 zaprimljen je dopis Agencije za javne nabavke Bosne i Hercegovine, Filijala Mostar, kojim se Agencija očitovala na upit u kojem je navedeno da se isključivo na osnovu ispunjenosti uslova koje je ugovorni organ naveo u tenderskoj dokumentaciji donosi odluka da li će određena ponuda biti prihvatljiva ili ne. Mišljenje Agencije je, takođe, sastavni dio dokumentacije ovog postupka javne nabavke.

Ponuđač Revizija Revita d.o.o. Cazin je dostavio potpisanu i ovjerenu Izjavu ponuđača-Prilog IV, u kojoj se u tački 2. konstatuje da da revizori koji će biti angažovani imaju status certificiranog revizora i da imaju zaključen ugovor o radu sa Društvom. U Pojašnjenju ponude ponuđač je naveo da je revizor Aganspahić Džemal angažovan od strane društva te da isti nije angažovan po osnovu podugovaranja te priložio Ugovor o angažmanu čije je važenje isteklo (datiran sa 10.12.2012. godine sa rokom važenja pet godina i mogućnošću produženja na dvije godine) te se ponuda ponuđača Revizija Revita d.o.o. Cazin u skladu sa članom 68., stav 4, tačka (i) odbija kao formalno pravno neispravna.

Ponuđači Merfi d.o.o. Sarajevo, Etic d.o.o. Zenica i Grant Thornton d.o.o. Banja Luka su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 13.04.2018. godine, u terminu od 10:00 sati. Svi ponuđači su dostavili dokaz predviđen tenderskom dokumentacijom radi primjene preferencijalnog tretmana domaćeg.

E-aukcija je održana u zakazanom terminu.

U e-aukciji su ponuđači Grant Thornton d.o.o. Banja Luka i Etic d.o.o. Zenica mijenjali svoje ponude, odnosno mijenjali su rok za izvršenje usluge dok je cijena ponude kod svih ponuđača bila ista.

Konačne ponude, nakon završetka postupka e-aukcije su:

1. Grant Thornton d.o.o. Banja Luka, cijena bez PDV-a 8.000,00 KM; rok isporuke: 1 (jedan) dan, konačan broj bodova 100,00
2. Etic d.o.o. Zenica, cijena bez PDV-a 8.000,00 KM; rok isporuke: 1 (jedan) dan, konačan broj bodova 100,00
3. Merfi d.o.o. Sarajevo, cijena bez PDV-a 8.000,00 KM; rok isporuke: 5 (pet) dana, konačan broj bodova 76,00

Na kraju e-aukcije, u konačnoj rang listi ponuđača, koji su učestvovali u e-aukciji, navedeno je da su ponuđači Grant Thornton d.o.o. Banja Luka i Etic d.o.o. Zenica prvorangirani, a ponuđač Merfi d.o.o. Sarajevo drugorangirani ponuđač.

Dana 17.04.2018. godine dopisom broj: 101-5753/18MS zatraženo je Mišljenje Agencije za javne nabavke BiH da li se obje prvorangirane ponude mogu smatrati formalno pravno neipravnim, te kao takve odbaciti, s obzirom da su dva ponuđača označena kao prvorangirani, po mišljenju Ugovornog organa, ponudom roka izvršenja usluge od 1 (jedan) dan izašli iz okvira uslova predviđenih tenderskom dokumentacijom, a ugovor dodijeliti drugorangiranom ponuđaču koji je nakon provedene e-aukcije jedini dostavio realno provodivu i formalno prihvatljivu ponudu.

Dana 03.05.2018. godine dopisom broj: 101-57531/18 MS zatraženo je urgentno postupanje Agencije po gore navedenom Zahtjevu za izdavanje mišljenja.

Dana 07.05.2018. godine pod brojem: 716-6789/18 je zaprimljeno Mišljenje Agencije za javne nabavke BiH u kojem se navodi da je moguće, kada je u pitanju kriterij ekonomski najpovoljnija ponuda, da se desi situacija da u toku e-aukcije ponuđač prekrši uslove utvrđene tenderskom dokumentacijom promjenom vrijednosti jednog od potkriterijuma u kojoj situaciji ugovorni organ ocjenjuje njegovu ponudu kao neprihvatljivu nakon završetka e-aukcije te da ugovorni organ donosi odluku samostalno, u skladu sa zahtjevima koje je postavio u tenderskoj dokumentaciji i nije dužan ponovo zakazivati e-aukciju. Navedeno Mišljenje Agencije je sastavni dio dokumentacije ovog javnog postupka.

Ponuđači Etic d.o.o. Zenica i Grant Thornton d.o.o. Banja Luka su u e-aukciji mijenjali ponudu u dijelu roka za izvršenje posla tako da su oba ponuđača dali konačnu ponudu sa rokom izvršenja posla 1 (jedan) dan. Na taj način ponuda ne zadovoljava uslove predviđene tenderskom dokumentacijom, tačka 1.1., u smislu da, ukoliko ponuđač ponudi rok za obavljanje posla u jednom danu, kako je to konkretan slučaj, onda na taj način onemogućava ugovornom organu da izvrši svoju obavezu predviđenu tenderskom dokumentacijom, da u roku od dva dana od dana prijema nacrtu izvještaja, dostavi eventualne primjedbe na nacrt. Navedeno znači da je minimalni rok za izvršenje ovog posla dva dana, i to: jedan za dostavu nacrtu izvještaja sa poštivanjem rokova i obaveze ugovornog organa na isticanje eventualnih primjedbi i drugi dan, za razmatranje i korigovanje eventualnih primjedbi i dostavu konačnog izvještaja. Zbog svega navedenog predmetne ponude ponuđača Etic d.o.o. Zenica i Grant Thornton d.o.o. Banja Luka su nakon provedene e-aukcije izmjenom roka koji nije usklađen sa tenderskom dokumentacijom postale formalno pravno neispravne i iste se odbijaju u skladu sa članom 68. stav 4. tačka (i) Zakona o javnim nabavkama BiH.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „**ekonomski najpovoljnija ponuda**“, prihvatljivih ponuda / ponuđača kako slijedi:

1. Merfi d.o.o. Sarajevo, cijena bez PDV-a 8.000,00 KM; rok isporuke: 5 (pet) dana, konačan broj bodova 76,00

te dala preporuku da se ugovor zaključi sa najuspješnijim ponuđačem **Merfi d.o.o. Sarajevo**.

Iz navedenih razloga, primjenom člana 64. stav 1. tačka a. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom.dir.za razvoj i investicije
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



Direktor

Pasalić Emir
Pasalić Emir, dipl.ing.građ.